

Cofnodion Cyfarfod y 3ydd Rhagfyr 2019

Presennol :- Y Cadeirydd **Gareth Griffiths** a'r Cynghorwyr, Idris Thomas, Richard Ll. Jones, Elfed Wyn Williams, R Hefin Williams, Phyllis Ellis, Lowri Hughes, Martin Davies ac Aled Green

Croesawyd Y Cynghorydd Elwyn Jones

Gwedd: Offrymwyd gair o weddi gan Richard LL. Jones

1.Ymddiheuriadau.

Jane Pierce, Gwawr Wyn Roberts, Rhian Evans-Hill, Emma Chappell

Anfonwn ein Cydymdeimlad a'n cofion at Rhian a'r teulu yn eu profedigaeth.

2.Datgan buddiant

Dim

3.Cofnodion Cyfarfod 5ed Tachwedd 2019

Derbyniwyd y cofnodion fel rhai cywir

4.Materion o'r cofnodion

Cae'r Foel, Dinorwig

Nid ydym byth wedi derbyn ymateb pellach gan yr adran gorfodaeth, ond dywedodd y Cynghorydd Elfed Wyn Williams fod y perchennog yn cael rhybudd yr wythnos yma.

Diolchiadau am Nawdd – Derbyniwyd gair o ddiolch a ddarllenwyd gan:

Pwyllgor Clwb Pensiynnwyr Penisarwaun, Clwb Tennis Bwrdd Rhiwlas, Cylch Meithrin

Deiniolen, Clwb Pel Droed Ieuenctid Bethel, Clwb Crefft Rhiwlas, Eisteddfod Bentref Bethel.

Derbyniwyd cais mis yma gan Seindorf Arian Deiniolen, a teimlwyd fod digon o amser wedi pasio i dderbyn ceisiadau, ond derbyniwn sylwadau fod angen i nodyn atgoffa fod yn y papurau bro y flwyddyn nesaf.

Tan y Buarth

Arolygwyr ffyrdd wedi bod yn archwilio'r pafin, ac ni allai weld unrhyw broblem. Mae'r Cynghorydd Gareth Wyn Griffiths am gysylltu i gael esbonio yn union y broblem yno.

Biniau Halen – Bro Elidir ar y rhestr i newid ers llynedd, byddent yn newid un Ben Ion Penbont hefyd.

Pantiau Dŵr Lon Bethel – Arolygwr ffyrdd am archwilio'r lleoliad yn ystod tywydd gwlyb, a gweithredu fel bo'r angen.

Nant y Garth – Lleoliad ar rhestr ysgubo dail, ac wedi ei gyflwyno i'r uned waith bwrdeisdrefol.

Meysydd Chwarae – Yn dilyn derbyn llythyr o'r Cyngor Sir mis diwethaf, bu i'r cadeirydd siarad gyda aelod o'r adran berthnasol yn y Cyngor. Penderfynwyd ffurfio is bwyllgor mis nesaf (un cynghorydd o bob pentref) er mwyn cyfarfod a swyddogion o Cyngor Gwynedd i drafod oblygiadau o'r gwaith a beth yw bwriad Y Cyngor Sir.

Is Bwyllgor: Gareth Wyn Griffiths, Elfed Wyn Williams, Phyllis Ellis, Martin Davies, Lowri Hughes, Hefin Williams neu Rhian Evans-Hill

Bws 10 o Dinorwig i Gaernarfon – Yn dilyn cwyno fod y bws yn llawn, tybed oes modd cael bws mwy – clerc i gysylltu ac adran trafndiaeth.

5.Gohebiaeth a materion eraill

Taith Urdd Patagonia – Llongyfarchiadau Mawr i Gwion Llywelyn o Ddeiniolen sydd wedi cael ei ddewis i fynd ar daith Prosiect Gwirfoddoli Urdd Gobaith Cymru i Batagonia ym mis Hydref 2020. Yn flynyddol mae'r Urdd yn derbyn ceisiadau gan sawl disgybl sydd a'r awydd i fynd, ac ond 2 o bob Rhanbarth sydd yn cael eu dewis. Fel rhan o'r cytundeb i fynd, mae'r disgyblion yn gorfod hel oddeutu £2,500 yr un i allu cymeryd rhan, ac mae hynny yn waith

caled i greu gweithgareddau i godi arian.

Cyfieuthu Dogfan Teithiau Dinorwig – Penderfynwyd cael cyfieuthu y ddogfen o'r teithiau o amngylch Dinorwig gyda Idris Thomas fel bod ganddom ddogfen Saesneg hefyd. Diolch i Gwawr am drefnu hyn i ni.

Cae gyferbyn a Llwyn Celyn, Clwt y Bont – Derbyniwyd gohebiaeth ynglyn a'r tir yma gan un o drigolion Clwt y Bont, ac mae'n hanes diddorol iddo. Penderfynwyd anfon yr ohebiaeth at Archifdy Gwynedd, a gofyn iddynt edrych i mewn i gynwys y llythyr a'r tir. Hefyd anfon copi at ADRA a gofyn iddynt a fuasai ganddynt ddiddordeb mewn trawsnewid y tir i rhywbeth defnyddiol i'r gymuned yng Nghlwt y Bont – ond nid adeiladu tai arno.

Gwaith "Cwmni Arbed" yn Neiniolen – Cynllun Llywodraeth Cymru o'r enw ARBED – ei bwrpas oedd arbed arian filiau gwresogi. Cynigiwyd y cynllun hwn i dai yn Neiniolen (fel ag ardaloedd eraill megis Carmel), ond yn anffodus daeth problemau i amryw o dai yn arbennig ar y waliau tu allan – y disgrifiad a roddwyd oedd "Green slimy marks after insulated fitting". Mae Llywodraeth Cymru wedi anfon arolygwyr i edrych ar y broblem, Penderfynwyd anfon at y cwmni sef "ARBED AM BYTH" – ei swyddfa yn Nantgarw ger Caerdydd i ofyn iddynt ddod i Ddeiniolen (os nad ydynt wedi dod eisioes) i adfer y sefyllfa yn syth i breswylwyr y tai. Byddwn yn gyrru copi i Cyngor Gwynedd er mwyn iddynt hwy gefnogi y preswylwyr a chysylltu a'r cwmni ynghyd a chopi i Sian Gwenllian. Mae'n hanfodol i gwmni "Arbed am Byth" adfer y sefyllfa ar y tai sydd wedi eu effeithio yn Neiniolen.

6. Cynllunio

Ceisiadau a dderbyniwyd yn ystod y mis:

Rhyd y Galen, Bethel – Lleoli 18 o unedau gwyliau teithiol, lleoli cwt bugail symudol ar gyfer cyfleusterau ymolchi i'r unedau teithiol, creu ffyrdd ynghyd a gwelliannau amgylcheddol gan gynnwys creu llwybrau troed a thirlunio. – **Dim Gwrthwynebiad**

7. Gosod / Adolygu Praesept

Er fod ganddom gyllid 3 blynedd, mae'n anodd adolygu y cyllid er mwyn gosod praesept, gan nad oes ganddom ddigon o wybodaeth clir o Cyngor Gwynedd o beth fydd yn cael eu torri eto , ac efallai oblygiadau i'r Cyngor Cymuned yn dilyn hynny. Ym mis Ionawr, bydd y clerch yn rhoi datganiad o tri chwarter ffordd y flwyddyn gyllidol, ac yna gallwn benderfynnu ar y praesept 20/21 yn y cyfarfod nesaf.

8. Bio Amrywiaeth

Deddf yr Amgylchedd Cymru (2016)

Bellach mae'n rhaid i Cynghorau Cymuned a Thref ysgrifennu adroddiad ar ddyletswydd adran 6 o'r ddeddf ynghylch bioamrywiaeth. neu dwmeud yn syml yr hyn yr ydym yn ei wneud i gydymffurfio â dyletswydd adran 6, a'i gyhoeddi erbyn diwedd 2019.

9. O gwmpas y Bwrdd

Bethel – Bws yn cael ei gadael yn safle Cysgodfan Bws yn ystod y dydd. Yn amlwg mai bws ysgol ydi hi, ond problemau yn codi gan nad oes lle i bws gwasanaeth aros yno na chwaith methu gweld fod rhywyn yn aros yn disgwyl bws yn y cysgodfan. Y clerch i gysylltu a Cyngor Gwynedd..

Adroddiad y Chwarel – O ran diweddariad a beth sydd yn digwydd nesaf. Mae Arwyddion Cywir yn Flaenoriaeth, ac mae'r gwaith yn bwrw mlaen. Bydd adroddiad pellach yn mis Ionawr.